



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-17281 Lëtzebuerg



Lëtzebuerg, den 28/10/2019

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Umwelt, Klima a nohalteg Entwécklung weiderzeleeden.

An engem Artikel vum Luxemburger Wort vum 5. Oktober 2019 geet rieds iwwert eng Moufflon-Kolonie déi sech an der Géigend vun lechternach ophält. Dëss Déieren goufen an de siwwenzeger Joren ausgesat an hunn et fäerdeg bruecht bis haut ze iwwerliewen. Och an der Gemeng Parc Housen, am Norden vum Land, ginn et Moufflon'en, déi héchstwahrscheinlech nach aus dem alen « Wäldpark » vun Housen kommen, deen seng Dieren säit laanger Zäit zougemaach huet. Moufflonen sinn ongeféierlech a stellen keng Gefor fir de Mënsch duer.

Dem Artikel aus dem Luxemburger Wort ass ze entuelen, datt d'Moufflon'en allerdéngs fir een net onwesentlechen Wäldschued an de Bëscher ronderëm lechternach solle responsabel gemaach ginn. D'Moufflon'en sollen erschoss ginn, an dat méiglechst séier. De Buergermeeschter vun lechternach schätzt de Schued, deen duerch d'Moufflon'en entsteet, op ronn 100 000 Euro. Hien gesäit se als « invasiv Art », déi – Zitat - « fort muss ». D'Diskussioun ass mëttlerweil souwäit opgehëtzt datt d'Gemeng eng – Zitat - « systematische behördliche Jagd » ugefrot huet. Wann et no der Gemeng lechternach geet, sollen d'Arméi an d'Police duerch d'Gebitt vun de Moufflon'en zéien an se all dout maachen. Bis well feelt dofir awer eng Ënnerschrëft vun der Ëmweltministesch.

Een Artikel aus dem Trierer Volksfreund vum 24. Oktober beschreift d'Situatioun eng Grëtz méi differenziert. Am Artikel kënnt den Eifeler Kreisjagdmeister zu Wuerd. Hien gesäit d'Situatioun anescht. Him ass net bekannt, datt Moufflon'en géifen sou een groussen Schued uriichten an hien kritiséiert an deem Kontext d'Fuerderung no engem systemateschen Ofschoss. Laut dem Kreisjagdmeister géif eng Ofschossaktioun « de Steierzueler dausenden vun Euro kaschten an héchstwahrscheinlech keen Effet hunn ».

An deem Zesummenhang wéilt ech der Ministesch dës Froe stellen:

1. Madamm Ministesch, wéi vill Gebidder ginn et aktuell zu Lëtzebuerg, wou Moufflon'en liewen an wéi gedenkt Dir dës Déieren an Zukunft virum Ausrotten ze beschützen ?
2. Falls Dir effektiv géift wëllen géint dës Moufflon-Kolonien virgoen, sinn dann och aner Kolonien, wéi zum Beispill déi am Parc Housen beträff?
3. Madamm Ministesch, wäert dir d'Moufflon'en aus der lechternacher Géigend fir den Ofschoss fräi ginn ? Wa jo, kënnt Dir lech sécher sinn datt d'Argumenter dofir fondéiert sinn ?
4. Madamm Ministesch, sinn déi vum lechternacher Buergermeeschter genannten



www.piraten.lu



Sensibilité politique
Boîte postale 83
L-7201 Bereldange

Chifferen (100.000 Euro Schued) exakt? Wéi kommen d'Gemengeverrieder, ärer Meenung no op dës Zuelen ? Rechtfäerdegeng dës Zuelen een Ausrotten vun enger Aart, déi keng Gefor fir de Mënsch duerstellt ?

5. Kënnt Dir, Madamm Ministesch, confirméieren wat den Här Kreisjagdmeister aus der Eifel seet ? Wat géif eng systematesch Juegd op d'Moufflonen duerch d'Police an d'Arméi de Steierzueler kaschten ?
6. Madamm Ministesch, fannt Dir eng Aktioun vun der Police an der Arméi an deem Kontext net e wéineg demuseréiert ? Steet d'Madamm Ministesch der Iddi vun enger „Chasse administrative“ favorabel géigeniwwer?

Mat déiwem Respekt,

GOERGEN Marc
Député



www.piraten.lu



LE GOUVERNEMENT
DU GRAND-DUCHÉ DE LUXEMBOURG
Ministère de l'Environnement, du Climat
et du Développement durable

Luxembourg, le 16 DEC. 2019



Service central de législation
Monsieur Marc Hansen
Ministre aux Relations avec le Parlement


Objet : Question parlementaire n°1402 – Réponse

Monsieur le Ministre,

J'ai l'honneur de vous communiquer en annexe la réponse à la question parlementaire n°1402 tout en vous priant de bien vouloir en assurer la transmission à Monsieur le Président de la Chambre des Députés.

Recevez, Monsieur le Ministre, l'expression de mes sentiments distingués.

La Ministre de l'Environnement, du Climat
et du Développement durable,



Carole Dieschbourg

Äntwert vun der Ministesch fir Ëmwelt, Klima a nohalteg Entwécklung op d'parlamentaresch Fro n°1402 vum 28. Oktober 2019 vum honorabelen Deputéierten Här Marc Goergen betreffend d'Muffelkolonien

Madamm Ministesch, wéivill Gebidder ginn et aktuell zu Lëtzebuerg, wou Moufflon'en liewen a wéi gedenkt Dir dës Déieren an Zukunft virum Ausrotten ze beschützen?

Aktuell ginn et zu Lëtzebuerg dräi Verbreedungsgebidder vum Muffel: Am Ourdall, am nördlechen Uewersauergebitt an an der Géigend vun lechternach. Ech verweisen an deem Kontext op de Bulletin technique vun der Naturverwaltung (ANF) a Saache Wëlldéieremanagement a Juegd, deen um Site www.emwelt.lu ze fannen ass, a wou een déi geografesch Verbreedung vum Ofschoss an domadder och vun de Bestänn ka gesinn.

Beim Muffel handelt et sech ëm eng net eenheemesch Aart, déi europawäit zu den 100 schlemmsten invasiven Arte gezielt gëtt, wat den negativen ökologeschen a sozioökonomeschen Afloss betrëfft (*Wolfgang Nentwig, Sven Bacher, Sabrina Kumschick, Petr Pyšek, Montserrat Vilà (2018) More than "100 worst" alien species in Europe. Biological Invasions 20: 1611*). Dofir besteet keng Grondlag dës Aart hei zu Lëtzebuerg laangfristeg ze erhalen, respektiv ze schützen.

Falls Dir effektiv géift wëllen géint dës Moufflonkolonien virgoe, sinn dann och aner Kolonien, wéi zum Beispill déi am Parc Housen betraff?

Aktuell sinn op deenen anere Plazen am Land keng sou grouss Schied duerch de Muffel ze verzeechne wéi zu lechternach, sou datt den Ablack hei keng aner Mesure geplangt sinn.

Madamm Ministesch, wäert Dir d'Moufflon'en aus der lechternacher Géigend fir den Ofschoss fräi ginn? Wa jo, kënn Dir lech sécher sinn, datt d'Argumenter dofir fondéiert sinn?

Den Ofschoss vum Muffel ass am Kader vun der Juegd quasi dat ganzt Joër iwwer erlaabt, mat Ausnam vun der genereller Bëschrou am Fréijoër.

Madamm Ministesch, sinn déi vum lechternacher Buergermeeschter genannten Chifferen (100.000 Euro Schued) exact? Wéi kommen d'Gemengeverrieder, äerer Meenung no op dës Zuelen? Rechtfäerdigen dës Zuelen een Ausrotten vun enger Aart, déi keng Gefor fir de Mënsch duerchstellt?

D'ANF huet an engem Rapport vu Januar 2018 festgestallt, dass de Schiel- a Verbëssschued am Gemengebesch vun lechternach sech op 31.814,77€ beleeft. Well net an d'Populatioun vun de Muffelen agegraff gouf, huet de Schued um Besch weider zougeholl. Bis an den Hierscht 2019 ass kontinuierlech neie Schued festgestallt ginn, deen awer net chiffriert gouf.

Duerch déi massiv Schiel- a virun allem den Verbëssschied, gett d'Verjüngung vum Besch, vun deem och d'Allgemengheet profitéiert, ënnerbrach. Zousätzlech kënnen déi natiirlech Bamarten sech net méi installéieren. Dëst huet virun allem ökologesch Impakter op di ganz Bëschbiodiversitéit. Ze rappeléieren ass, dass d'Bescher ëm lechternach zur Natura 2000 Zone „Herborn - Bois de Herborn / Echternach – Haard“ (LU0001016) gehéieren. D'Zieler vum Gestionsplang vun der Zone sin ënner anerem d'Erhale vum Dauerwald an d'Regeneratioun vun den Eechebëscher. D'Mesure 96 vum Gestionsplang gesäit vir : « *Elaboration d'une solution administrative pour l'élimination définitive des mouflons (Mompach , Haardt, Hierberbësch)*. »

Kënnt Dir, Madamm Ministesch, confirméieren wat den Här Kreisjagdmeister aus der Eifel seet? Wat géif eng systematsch Juegd op d'Mouflon duerch d'Police an d'Arméi de Steierzueler kaschten?

Nee, ech kann d'Aussoën vum Här Kreisjagdmeister net confirméieren. Och ass et net virgesinn, d'Police oder d'Arméi ze implizéieren, mee exklusiv d'ANF. Heifir falen och keng Käschte fir de Steierzueler un, mee ginn, sou wéi d'Juegdgesetz et an dësem Fall virgesäit, vum Juegdpiechter iwuerholl (*Art 57 vum Juegdgesetz : [...] Les frais occasionnés par les chasses administratives sont à charge: du locataire de la chasse lorsqu'il s'agit de fonds chassables loués [...]*).

Madamm Ministesch, fannt Dir eng Aktioun vun der Police an der Arméi an deem Kontext net e wéineg demesuréiert? Steet d'Madamm Ministesch der Iddi vun enger „Chasse administrative“, favorabel géigeniwwer?

Vue datt de Schued duerch dës lokal Mouflonpopulatioun immens héich ass an d'ökologesch Impakter och op Dauer net ze verriede sinn, ass d'Organisatioun vun enger administrativer Juegd laut Juegdgesetz ubruecht. Dës ass am Artikel 55 vum Juegdgesetz virgesinn: *Le ministre peut ordonner l'organisation de chasses administratives dans un intérêt général, soit à la demande écrite et motivée de tout intéressé, soit de sa propre initiative, sur tous les fonds, même sur ceux où l'exercice du droit de chasse est interdit, suspendu ou limité et ce dans les conditions suivantes : en cas de trop forte concentration de gibier causant ou risquant de causer des dommages excessifs; [...]*.

An dësem Fall kënnt d'Demande scho säit Joren op, ënner anerem vun der Gemeng. Leider ass awer alles wat, och op Drock vun den Autoritéite, vun de Jeeër selwer ënnerholl ginn ass, net duergang fir d'Muffelpopulatioun ze reduzéieren. Déi héich Konzentratioun u Muffelen an de Schued deen se an dësem Gebitt un de Bëscher uriichten berechteen d'Organisatioun vun enger administrativer Juegd.

D'Police oder d'Arméi si wéi gesot net implizéiert.